

聖

張右史文集卷第十六

古詩

九月十二日入南山憇一民舍冒雨
炙衣久之

石稜如刀不容步上挽垂藤下無路風寒雨
滑徒旅愁拾馬杖藜泥沒屨躋攀顛墜不容
髮目眩心寒驚反顧亦知垂堂有遺戒身仰
微官欲誰勗蕭蕭茅屋映絕壁門外澗清
泉注解衣就火不能暖旋拾山薪代溪樹山

翁生未食醢醢脫粟寒蔬度朝暮人間平地
固不少何用巖岨守麀兔秋声四起山靄夕
壞虛踈籬睡無處披裘結束相勸歸過尽重
雲下山去

八盜

抹弓持矛八人者暮出永寧循白馬袁村飲
酒呼主翁：：倉惶問以弓朝飯南山民獻
彘主人贈刀其姓李道逢兩夫捕鷹隼脅之
以威使從已晚投民居迫之饋坐有三夫頽

從事其後新故十有三驅使兩夫前探伺謀
知小水無徼巡弓長呼登市門傳声市人
恣誘脅擾：坐致几千人一盜登牀坐而視
四盜執兵環以衛八夫露刃入民居斂聚金
珠致之帥搜羅抉剔凡八戶淫汙婦女累其
主烹羊獻酒來紛：錢幣滿前隨賜與一盜
揚声集市人我怜市人常苦貧居民積財尚
餘羨恣尔攫取舍無嗔市人聽令喜且舞肩
負囊擔誰復數湏吏散去問里空犬逝雞逃

無敢語八盜連謀紹其五為我鳴金南取路
人聞金聲謂盜南八盜西馳下山去長吏飛
書呵有司坐欲捕獲如吾期洛陽大勝如足
帛一百万錢賞能獲一朝兩卒叩吾門自言
有密人不問我知小鼠群偷地二盜今居洛
之浹立呼吏兵給戈弩期以朝擒夜馳去可
怜鼠子不知逃犹復持予起相拒一士揮刀
身首離復取傍盜如携兇八夫獲二止其二
盡取黨人付諸獄

淮陰阻雨

檣竿日：春風轉渺：孤舟數家縣朝來雨
暗隔淮村白浪卷沙吹斷岬渡頭楊柳濕青
青橋下涓：野水生滿尺白魚初受釣斷行
歸雁故能鳴平生行止任遲速蓬底欠伸朝
睡足從來江海有前約老去塵埃無可欲曉
天暖日生波光挑杏家：半出牆春日春波
好相待短帆輕櫓可須忙

蕭朝散惠石本韓幹馬圖馬止後足

世人怪韓生画馬身苦肥幹寧忍不畫驥骨
當時廐馬君未知開元太平國无事戰馬卷
甲飽不騎玉関橐駝通万里長安第宅連諸
姨笙歌錦繡遍一國六龍長閑望食粟霜甜
秋草沙苑游日暖春波渭川浴睂圓腰穩日
生光細尾豐膺毛帖肉珠鞍玉鞞驕不行豈
有塵埃侵四足韓生丹青寫天廐磊落万龍
无一瘦豈知車下骨如塙飢嚙草根刺傷口
君家古圖才半身千里騰驥已有神迴身側

頽不無意剪驥絡頭嗟失真君不見太宗戰
馬拳腹毛身騎此馬縛群豪龍虎精神金鼓
氣豈有閑地供脂膏至今画圖快肖臆想見
蚪鬚親破賊那知但愛廐中肥漁陽筋脚蹄
如石神駒入水隨烟雲蜀山石路无行人六
驥悲鳴足流血騎驟遺事一酸辛

次韻君復七兄見贈

老知山林等朝市扁舟誰能問行止長淮十
日浪吹沙春風正攪驪龙睡幽人軟語破永

日衝泥携手林間寺坐中知兄病當已眉宇
氲：有佳氣華池神酒不用醒人生和暢自
忘形扶持陰德鬼神在洗除世緣煩惱輕東
來自慚雙鬢改相逢獨覺兩眼明論詩尚愛
淡生活學道久嘆閑名嗟我塵埃費昏旦
補剛自恰聞道晚還丹欲問僕：仙謂陸先
人也一菴更伴騰：睡騰謂古禪春陰夜薄
月朦朧劇談燭盡樽亦空他日重逢龐處士
可能猶與世人同兄斷愛屏欲專意
禪悅故比龐公

離泗州有作

舸舫大編來何州翩：五兩在舡頭淮邊落
帆汴口宿橋下連檣南與北南來北去何時
停春水春風相送迎沙岸飛鷗日相見短亭
揚柳不無情清一曲主人酒主人壽客：舉
手明日酒醒舡鼓鳴沙邊破堠不知名行人
十里一回首雲邊犹有塔亭：

汴上觀迎送有感

居人憐客千里來掃堂為客致酒杯夜闌再

泮客辭去樽前美人不成舞陽關八疊倒玉
船消魂此地自年々船頭旂竿船尾拖南游
江海北長安長亭出城十餘里柳邊人家飯
游子少年此地几經過白頭相逢可奈何

奉先寺

荒涼城南奉先寺後宮美人官苑此角樓相
望高起墳草間柏下多石人秩卑焚骨不作
塚青石浮屠當丘壠家々墳上作享亭朱門
相向無人聲樹頭土臬作人語月黑風悲鬼
搖樹宮中養女作子孫年々犢車來作主廢
后陵園官道側家破無人掃陵域官家歲給
半千錢街頭買餅作寒食

送程德孺赴江西

程侯治楚我獨知去時民作嬰兒啼歸來明
光見天子還把一節大江西年來屢下寬大
詔赤子未免寒與飢思如憂病改如藥知病
無藥何由治朝廷法度寄吏手付授得所乃
合宜事如黑白初易睹敢以容悅相蒙欺此

行委寄意不淺列城數十受指揮任官輕外
最獎法省閣無補真何為遙知敏手多暇日
不廢樽俎環蛾眉從君多乞歛州紙歲晏天
祿供吟詩

送杜君章守齊州

平生杜公賢弟兄北州人物家法稱兒童服
膺今見面溫潤圭璧清霜冰骨中詩書不見
試鬢髮欲白論邦刑用違所長衆不可公獨
談笑氣甚平人才之難萬異一一士甚重九

鼎輕典籤不廢吟擁鼻所歎虛席何人登臨
蕃千騎亦不惡聊以餘力蘇疲祇霜清水落
魚撥刺萬甕沸響新醪傾東秦山河太守貴
長安歌舞新曲成正須晝夜快作樂舍人促
公歸治行

送劉季孫赴浙東

將軍好書如卻穀女史隨船三萬軸吟詩坐
嘯士賈勇不學虎頭飛食肉念昔先君得佳
句歸見兒童咤珠玉乘離存沒偶不死十年

遇公拜還哭堂二山西忠勇後凜二典刑在
眉目撻戎南下聊復尔健虜黠羌要頗牧戈
舡水犀士扼虎三江太湖浪翻屋丈夫為將
亦不惡寂寞揚雄老天祿

寒夜擁爐有懷淮上

長安暮冬雪如山堅冰錯落于其間八荒一
雲同慘淡北風怒迴江海翻老人此時不復
出閉戶然薪守蓬華忽憶去年淮上舟有客
致酒頗豪逸三更堂下霜折木坐上美人鳴

寶瑟人生有情亦可憐明眸皓齒如眼前主
人金章作塵土烟飛星散江南天知非蘧公
時一歎讀書梅叟益蕭然百年萬事費排遣
軟語試問東家禪

同魯直無咎遊啟聖

西方金仙千歲身天上伐木役天人閻浮檀
光照世界作此無量勝妙因九龍寶地赤精
宅涌出宮殿壑風輪化人南來為守護震動
六種走鬼神錦幪老人常住世燕坐說法無

冬春故人蕭公作塵土白蓮花葉光如新妙
道無邊世眼窄真心遍通人智貧可憐端居
樊宇宙幾見疑惑談偽真簷牙森々鉄鳳啄
殿顏眈々金獸蹲官冷何妨近香火時容勝
絶洗埃塵

送邵郎中守同州

君不見漢家左輔百萬戶里胥夜驚敲桴鼓
尔來荆棘露沾衣只有山河閱今古邵侯風
流華省郎三十憑熊兩開府不須閉閣决田

訟多屑石餅羞魚俎

同州石鏃餅中州
作鱖葦甚貴之

東南

文章旧人物莫媿萼羹便酪乳仍煩細閱白
沙龍驕驕一骨今何所

王都尉惠詩求和逾年不報王屢來
索而王許酒未送因次其韵以督之
酸寒杜陵老痛飲遺身世雲安小縣麴米春
遙知美味無多子猶令此老氣如虎傲几幾
以醉為累爭知侯家美酒如江湖金鎗犀杓
典之俱玉壺曉傾春水快銀槽夜滴秋雨疎

主人文章足賓客許致麴生來坐側三杯脫
帽我家風渴如旱田占雨虹冷官如瓶君未
見腹惟貯水二生面鳴鞭走送煩騶轡坐對
朝寒北風起未欲煩公大作醺老夫自斟看
深淺

架蒲桃

蒲桃盤屈如修蛇春來蟄起紆橫斜延之升
架鱗甲動日折架二生光華盤堆馬乳未敢
望殷勤溉灌意匪他要聽暑雨鳴大葉窻間
致榻圍青紗年來幽淡亦有趣自植花草占
萌芽奔波玄德老不遂正尔種菜豈不佳猶
嫌尚遣兒輩覺方食失匕徒驚嗟

叙十五日事

五更聞鐘自驚起坐守殘燈具冠履昏二病
眼正團花獨愛當庭月如水強驅睡味誰不
仁漠二黑甜田雨皆忽驚左掖漲風埃已趨
上閣鏘環珮平明原廟煥金碧飢投敗幕冷
寒餌紛二僕二酸雨胫向食當然賤何事走

馬還家百不問掃榻伸腰真有味起來炊熟
日亭午槐葉新成庭覆翠翻書弄翰老自笑
飽食安眠計難遂古來高士不入城肯聽鳴
雞踏朝市

病臂比已平獨挽弓無力客言君為
史官何事挽弓戲作此詩

君不見吾鄉少年曹子桓文章七子相後見
有時擲筆事戈獵邀輕截俊馳平原獵貂名
弓燕代馬射雉歸來燕清夜一聞驚倒荀令

君何物書生乃知射我雖把筆笑腐儒束腰
待懸玉鹿盧自從病辭憂親友百嗜為之心
一枯降癘無名天悔禍奪之而興復完軀但
慙未使杯安肘猶負當年門掛弧便使淒涼
身未伏略聞弓馬氣猶麓莫為早衰須袖手
將軍臂折尚平吳

踵息齋

物之有知者恃息物之有息知為賊天長地
以載元氣天地無心故無極君知一身誰主

持六塵緣影工伎兒發生變幻不暫止令汝
鼻息無停時喘呼呀呷生至死去今已遠何
由歸真人嗒然吾喪我能使炎火為寒灰中
空無宰氣不使內自升降如靈龜深之又深
乃至踵根深蒂固凝不動超然內外無死地
梨棗華實龍虎用真人示我尺素書萬卷毋
經不勞誦他年綠髮對銅狄却視吾齋真作
夢

喜晴

朝看東南雲物好便有清風收濁潦吾欲天
意將悔禍約束蛟龍便授稻山川轉眼異明
晦冠屨宜人亦輕燠微涼入堂酒味好一杯
徑醉愁如掃清幽枕簟東窓下曉睡老雞呼
不覺

山海

愚公移山寧不智精衛填海未必痴深谷為
陵岸為谷海水亦有揚塵時杞人憂天固可
笑而不憂者安從知聖言世界有成壞况此

馬休之毫釐老人行世頭已白見盡世間惟
歎息俛眉袖手飽飯行那更從人問通塞

答仲車

先生居山陽時事不挂齒讀書逾五車不肯
著一字今朝苦嘆嗟告我將老矣我意與子
殊欲去依禪子

仲車元夜戲述

華燈耀廣陌皎月臨重城唯我二三子柴門
通夜扁展書對明燭濁酒徐傾崢嶸千萬

慮一醉皆能平

戊午冬懷五首

悲笳奏已罷落日在西壁卧聞中林鳥先曉
鳴嘖：尔来亦易供固合事安息夜歸陵旦
起向尔更勞役乾坤擾萬物不使輕有獲無
求良独難何以休吾力

二

窻南積雪高三尺二更月出連窻白爐裏石
瓶鳴細泉燈前病叟措書策家人歲晚貯梨

粟倒搗寒醪有殘滴三杯取醉万事平
魚味重裘定何益

三

山陽賢者有徐子親沒十年哀不已
精誠感天、為悲甘露常沾墳樹枝
徐子行年過五十衣不被体常苦飢
天公盍使少富足甘露万斛真何為
虛息浮惠天犹尔安得世人無巧偽

四

揚雄老不遇寂寞玩文史側身虎狼間
乃卒脱其死中恬遺外慕独樂異眾喜
但有載酒人何用求知己

五

年来百事懶惟樂靜中趣天寒無來客
終日常閉户進取之時才窮通有天数
委身付造物已矣随所遇

感春三首

一

東風吹桃李花落已滿地搖々新柳枝薄蔭
才可託誰云同一時榮謝西異意由來何足
較要之歸一致

二

默坐不復出浮雲作朝陰離々簷間花隨雨
下故林物色一如此朱顏生雕侵自歎陽春
曲吾不待知音

三

午日步西園繁花亂相照妖々海棠枝顧我

如欲笑殷紅點輕素含吐皆窈窕持贈東隣
子願言論久要

張右史文集卷第十七

古詩

春日雜詩六首

一

啼鳥喚我覺簷日行且午
纍纍出葉櫻庭雀鳴欲乳
妻兒病酒睡雞犬樂其侶
風光不我違舍醉何有度

二

東風入我園花落如急霰
感之後携酒撫樹

為三款離：牆間草滿地不可踐陰陽本無
情榮謝欲誰怨

三

春晏百草秀野花無後名悲哉桃李闌念此
聊投英翩：雙飛蝶天靜午日晴悲憂浪自
苦有酒但知傾

四

堂南老榆葉清陰漸交映飄：風花乾握：
雨葉盛鳥鳴日方遲客去門逾靜自無濟世

略耿：欲誰省

五

三月行復至青春坐侵尋飛花去窈：新葉
來駸：白日照芳草荒園乳鳴禽朱顏任自
老安事累吾心

六

東風忽無情吹我園中花繁紅與艷紫零落
委泥沙鳴鳥亦何事啾：竟諠譁須知盛已
極委棄欲誰嗟

官閑

官閑吏歸早歲晏寒欲盛槐稀庭日多鳥下
人語靜幽花破寒色過雁驚秋聽酒賤莫厭
沽北風行欲勁

秋池

平生落寞意况此秋池側寒水靜无波哀荷
委餘碧蕭蕭動風髮照影感新白來往雙浴
鳧尔生真自得

雜咏

一

隆中卧龍公平昔事耕釣無言願同儕高視
獨長嘯彼寧惜開口願尔非同調何事遂玄
德曹孫一言料

二

六槐當我庭春葉密如幄朝來南風起已見
萎葉落盛衰同時來豈必待蕭索鄙哉兒女
癡情二情所樂

三

鳥鳴高屋上飢願朝求食擾：市井人日夜
衣食追豈伊理當然或者養未得我歌南風
詩歸坐還歎息

飛雲

時雨久不施飛雲作朝陰荒：中原麥賴此
三日霖朝陽忽清霽披露南山岑雖無濟物
迹膏澤在民心

和慮之燈蛾

萬物皆受死尔生何独愚由来附炎熱鮮不

喪其軀淺：權利客蹇：輕薄夫高門甚烈
火相勸以奔趨

和簷雀

群兒探雀雖雀毋悲且鳴万物雖異性愛子
均一情毋心于子誰不怜尔胡棄子當道边
諒非人情不如鳥使之至此必有原

雜詩

獨居無興往况此陰雨天起来復何有詩書
散我前僅取一榻上讀書疲後眠經綸負風

志跌蕩窮吾年

搗藥

指可握而足辭可據無它何為勤藥物杵臼
日誼詳指臂何與人正欲使其佳念此慙吝
生達人其我嗟

烏臼

烏臼強知曉說：鳴暗天我事不須早援衾
且復眠朝暉方曠：慘凜蔽清妍且復待午
景負此簷間暄

春林

春林露如雨蕭蕭：曉花寒引手攀高紅微香
來鼻端何以比芳潔置之青玉盤特歸供像
佛相對淡無言

華月

華月流春宵散我高林影披衣步其下受此
掃地靜吾心方浩然万境一澄瑩徒倚玉繩
低窈寥沉遠聽

離楚夜泊高麗館寄揚克一甥四首

去城未五里夜纜繫衰柳水亭暗風雨人散
聞吠狗平生足羈旅况此還往日有感不自
知淒然独回首

二

水天夕雲重不雨衣自濕夜寒更士語雞唱
舟子急青黃數宿莽蒼茫暗原隍高城亦何
有倚牆成獨立

三

客去水關閉疎燈亦復改川鳴半夜雨卧冷

五更秋扁舟已寒暑舟中真乘桴一燈照客
睡短夢良悠

四

士師我自出夷邁陵清秋年少不飲酒昏燈
夜問囚尔家外大父聽獄代其憂備渴朝煮
飲驅欵夜張幃獄成上府時藉賴呼張侯先
伯獄卹因最有怒心臨繯紕相盜以戈矛無
思事載墓刻令市死厲請帝號重幽

張右史文集卷第十七

張右史文集卷第十八

古詩

小雨

稍：陰靄集肅：春寒生窻燈耿初照小雨
細無聲還來就溫爐依然有故情燕坐悄無
語軍城遞遠更

月夜懷陳永源

衆喧息遙夜爽氣清煩襟殷勤低簷月入幌
來相尋平生學虛靜每為多病侵卧想陳夫

子幅中修竹林

冬日放言二十一首

清冬萬境蕭牆戶益蕭然薄寒唯可飲短景
不容眠貧厨烟火暖塵釜烹烹鮮且復養口
体何勞更問天

湯餅慰朝餒三杯澆旦寒醉飽外何欲昏然
宵就眠幽通夢有告默存神自全蕭蕭松竹
舍歲暮聊盤桓

風雨連江氣十月如深冬坐曹日暮歸密室

温爐紅慘慘庭下日駭駭窓外風三杯容我
醉萬事聽天工

小兒喜學書滿紙如棲鴉老婦寒不績當戶
理琵琶樽中有神物快寫如流霞三杯任兀
兀凍臉生春華

知飲終日醉萬事付悠悠醺然拋塌頤簷雨
方健吾事幸無急不醉欲何求願謂婦與
子酒盡為我謀

寒羊肉如膏江魚如切玉肥兔與奔鶉日夕

懸庖屋嬉：願妻孥滋味喉可欲謫官但強
名比者何不足

酒聖郊時惟此語聞樂天安用苦了：白日
供愁煎浮世本幻妄空花電露然人間無寔
事唯醉廢幾焉

愈老愈嗜酒益醉益自然兩人同墜車醉者
乃得全我不但醉酒天和醉心源當其醉甚
時更類痴與頑
至道與物及夫豈會俗心聖處有閭域扁鑰

一何深時：資美酒可待及其門送君者既
及君駕胡可尋

清晨坐官舍官舍後何有離披徑雨菊蕭疎
委風柳飽食或至睡涉筆無可否由然有好
懷日暮歸飲酒

日暮歸飲酒兒女戲我前頃吏徑三酌挹榻
已醺然老妻坐我傍餽餼屢炮煎大勝劉伶
婦區：為酒錢

我初謫官時帝問司酒神曰此好飲徒聊給

酒養真去國一千里齊安酒最醇失火而遇
雨仰戴天公仁

吾腹如鴟夷但滿貯醇酒外圓故不滯中靜
一無有紛之千百輩納若一塵垢下有至真
源保之故難朽

淮陽名都會爽塏太昊墟最愛西城道汪之
數頃湖古木巢翠鳥清濠見游魚幽居多不
恆懷我平生娛

靈通古叢林他日休吾車出門循古城荒圃
畦寒蔬手種堂下花頗已數尺餘何時攬其
華故人應念余

塞向久室如帝幕亦復周溫爐熾薪炭永夜
炎光流五更屋霜重衾如無裘吳懷無衣
子卒歲聊優游

陶潛經世才齟齬不得肆彼寧徒嗜飲有蘊
託諸醉時吐高詞頗復見一二義熙書甲
子此意有涇渭

葛公蓋世才功業六云偶世無左將軍老作

躬耕叟皇天挺竒產必使有所受珠玉在山
淵終為王府有

秦人焚詩書意欲遂絕滅六經至今存何曾
損毫髮興衰有入理人力自淺拙不憂驪山
墓回首遭發掘

元子本豪爽頗復有俗氣孟嘉亦可人乃與
較權勢崛強盡百年究竟成何事江左無英
雄汝得免徒隸

淵明非無心似以酒忘憂如以藥愈疾未佳

寧免憂我直好飲耳與世本悠々人間有何
事奚足煩杯甌

無題

藪々鳴葉下初無風過之流年一如此慷慨
使心悲平日談堯舜立朝羞自私温爐暖老
客聊復此拙遲

秋日

墮葉鳥不顧枯莖虫暮吟野荒田已獲江晴
夕還陰夜語聞山雨無眠聽楚碁槩裘還補

絃披拂動歸心

謫官

謫官成吏隱古寺度高秋寒燈明夜室清坐
聞更籌裘葛屨往還感彼歲月適吾意方有
會誰能賦離憂

十月二十二日晚作三首

點：東牖閣寂：吾廬閑麤糲飽婦子背箸
無餘盤雁急天欲雨雞栖夕已寒老人袖手
坐一杯聊自寬

天寒聊飲酒再酌已停觴豈不欲酣暢要使
夜腹康意得樂有餘偶惟不必長寄身造化
中勿使天和傷

蓬葦無與處北風利戈鋌空爐有微火且復
典周旋酒隱柴桑叟醉吟渭上賢二士忽已
遠遺風載陳編

題壁

命駕欲諸客欲去復遲：事幸無甚急何用
勞驅馳家貧幸有酒亦略具鮮肥且復東窓

下高歌醉而嬉

夜坐

萬籟声久寂三更霜已寒
老人抽手坐一氣
中自存自得此中趣不與兒曹論
但有老孟
光相對亦無言

潘郎以予生日見過致酒出兩詩

東風沛甘雨百物一時好
江邊桃李盡紅紫
到百草道傍負擔子
寒食歸祭禱念我淮上
丘三年不能掃

淮陽牡丹密盛不數伊洛姚黃
一枝開衆艷
氣如燦亭三風塵表獨立朝
萬萼誰如臨老
眼更復美葵藿

感懷

拈樹桓司馬五柳陶徵君
微木不足道所歎
此兩人一理柴桑骨一為九錫
臣榮辱俱已
矣芳穢萬世聞

次韻題李援船子

紫髯不復見故宮無入門
元子亦寂寞一丘

乎遺寃興亡兩夢幻今古一朝昏念當置是
事盡此舟中樽

過孝感縣十里所望一土山下有漁
舟呼之不来委舟負魚徑去不顧俄
有一舟不待呼自挈舟直前取舟中
美魚致之求價甚賤余倍与之直卒
辭倍直而去余語之曰尔不待招而
赴人之求仁也售不求厚價廉也子
豈有道者乎茲楚境也昔有勸屈大

夫以鋪糟啜醢者豈非子耶為作一
篇

有道隱屠釣仁廉非偶然傾筐出紫鱖揮手
謝青錢昔有離騷客名高楚國賢獨醒遭尔
笑吾幸醉終年

夜思

江邊鷓鴣鳴栖我屋南樹夜深風霜寒呼鳴
自相語樹頭鴉翼動樹杪雁行度朦朧見江
山一二翻飛去

嘲南商

兩袖全足帛望知江淮客深藏計美苦好開
意氣窄愁逢湯餅筵遇鮓論甕昨市南沽茅
柴歸店兩顴赤

種芭蕉

幽居玩芳物自種兩芭蕉空山夜雨至滴
復蕭蕭涼葉泛朝露芳心展夕飈東堂日虛
靜秀色慰無聊

一日復一日

一日復一日炎涼行一周異鄉猶在望白髮
久生頭且看尋撞技休懷失馬憂天公有至
信萬古一春秋

大雨十日不止五月十八日晚始霽

昊穹忽悔禍淫雨霽今夕峯嶺紆紫翠雲天
麗金碧深畦鳴遠注涼葉墜餘滴漏屋百不
憂宵眠始安席

天運

天運不暫止何啻過隙駒向來簷間日忽已

墻東隅樂者苦其疾憂者怨其舒由來盛典
哀變滅皆須臾

張右史文集卷第十八

張右史文集卷第十九

古詩

喜雨四首

陰陽不暫駐今夕已秋風
晨興綿絲冷歲月
驚衰翁朝烟爨薪濕
小甲蔬畦空且復一杯
酒吾生不終窮

手種五色蕉意待聽秋雨
南風扇早日破葉
萎不舉霽露未終夕
綠潤迥如許秀色入書
幃已覺青鸞舞

墻東有高樹夏葉圓綠綺西風絕一夕蕭颯
巡如此寒蟬號其顛蟋蟀曉未已群動催流
光榮華難久恃
隙地秋日曉寂無鄰里音惟有草根虫風前
咽復吟悲歌者誰子徂年驚苦心青燈夜齋
靜微温生薄衾

東園

荒園何所有落葉與衰叢含芳未肯吐惟有
木芙蓉黃菊如佳人綠萼包金葺併隨重陽

酒娛此憔悴翁

十二月二十六日旦聞東堂啄木声
忽記作福昌尉時在山間環舍多老
木臘後春初此鳥猶多声態不一今
琵琶箏中所效既不類又百不得一
二云福昌河南屬邑也

睡起聞啄木忽憶福昌春官舍題詩壁如今
徑幾人猶能老此酒依旧拙謀身尚想蘭宮
格東風清洛濱

三伏暑甚七月八日立秋是日風作
涼爽炎酷頓消老病欣然命酒成二
詩

西風吹淡白窓戶含凄清炎涼一朝交徂暑
逝不停山堂曉灑洒病叟巾褐輕平時干雲
樹芳葉亦復零

苦熱逢三秋西風颯然起金氣入草木傷夷
從此始盛極衰從之循環固其理老翁復何
事新涼欣酒美

摘梅花數枝挿小瓶中輒數日不謝
吟玩不足形為小詩

疎梅挿書瓶潔白滋媚好微香悠然起鼻觀
默自了秀色定可憐仙姿寧解老禪翁心土
木對此成魔惱

所居堂後北籬下獲二蛇一小色赤
長二尺許一大色黑長七尺圍四五
寸尾可貫百錢盡放之

二物穴我居歲月已老一朝獲擒獲蛇二

出幽草安行免噬齧敢望吐珠報已月不殺
地昔賢有遺告

獨遊東園

清曉步東園獨遊淡無侶菰蒲綠已深鵝戲
春塘雨取酒就花傾隔林邀客語歸來興未
闌睡起春庭午

小雨效韋体

午景蔽浮雲芳林散清雨虛窓度遙吹稍覺
書葉舉殘蔬知夏餘隕葉兆秋序幽獨無往

來烹茶誰晤語

京師阻雨

深泥漫漶后土長安閉門三日雨頑雲不
動風伯愁飛電更相雷師怒陽烏力弱不自
持天漏已寬無石補麥蛾禾耳不足憂當念
為魚救無禹

大雨三日泥三尺駮馬高車行不得我有蹇
驢安敢騎閉戶高眠朝至夕誰家高堂半夜
秋軟綺輕紈換絺絺朱門樂事無時無尔自

賤貧空太息

應龍海明胸山有龍
潭人傳有龍

應龍未遇風雲起
仰活泥沙數尺水
彼能生致千里澤
可憐一掬何難致
時哉未遇可奈何
一掬雖微安敢易
誰能寄語潭中魚
相聚須臾莫相忘

田家三首

野塘積水綠可染
舍南新柳齊如剪
去冬雪好麥穗長
今日雨晴初擇藺
東家饋黍西舍

迎連臂踏歌村市晚
婦騎夫荷見扶翁月出
橋南歸路遠

社南村酒白如餲
鄰翁宰牛鄰媪烹揀花
野婦抱兒至曳杖
老翁扶背行淋漓
醉飽不知夜裸股掣肘
時謹弟去年百金易斗粟
豐歲一飲君無輕

新見鵲銜庭樹枝
黃口出巢今已飛
粟苗啄堪桑葉老
斜斗出畦新稻齊
田家苦作候時節
汲：未免寒與飢
去來暴取獨何者
請視

七月豳人詩

海州道中二首

孤舟夜行秋水廣
秋風滿帆不搖漿
荒田寂寂無人聲
水邊跳魚翻水響
河邊守簪茅作屋
冒頭月明人夜宿
舡中客覺天未明
誰家鞭牛登隴聲

秋野蒼蒼：秋日黃黃：蒿滿田
蒼耳長草虫唧唧
鳴後咽一秋雨多水滿
轍渡頭鳴春村迳斜
悠々小蝶飛豆花
逃屋無人草滿家
累累

秋蔓懸寒瓜

女几祠下

山邊白雲閑不掃
山下松花龍甲光
東風古栢吹暖香
廟前土馬荒春草
朝霞為裳水為珮
守廟千年老龍在
清風掃堂神暮還
山頭月出溪潺々

馬周

馬周末遇蚪鬚公
布衣落魄來新豐
一樽獨酌豈無意
俗子不解知英雄
賢豪相逢自相

得一語君王見
肯臆當時豈不為人言
聾耳
安能為君側

南山

南山鳳凰隻翅垂口不妄食腹苦飢
山前老
鳶飽腐鼠憑恃風日群游嬉俯身視鳳有驕
色鳳不汝較空嗟咨九韶一奏為君舉
坐看
百鳥相隨飛

福昌北秋日村行

秋野無人秋日白
禾黍登場秋索索
豆田黃

時霜已多桑虫食葉白
空柯小蝶翩
晚花
紫野鶉啄粟驚人起
洛陽西原君莫行
秋光
處
傷人情

黃桑蕭蕭
新雨晴田中日
午村鷄鳴塲頭
九月禾黍熟
空原雉飛飽
新穀棘籬虫鳴
村路
曲路邊古墳生
野菊人稀田闊
草茫
洛陽
秋深能斷腸

歲暮款三首

秋日苦短秋雲多
北風蕭蕭
洛水波長林撐

空葉餘柯鳴雁高飛去不息晚花悠二能幾
何洛陽經年客未去歲暮搔首空悲歌

又

寥々野空禾黍荒北風日夜鳴空桑南山碧
天青不極渺々洛水東流長山空水寒行客
少鴻雁飛急天初霜蕭々窮谷歲已晚嗟我
再補冬衣裳

南山蒼々季秋月北風如刀青石裂山陰半
夜寒欲冰晚望高峯看新雪白衫少年臂鷹

去暮婦飲酒烹狐兔強弓一斛尚可彎更欲
射獵窮吾年

一畝

一畝秋蔬半成實竈突無烟已三日良人傭
車斃車下老婦抱子啼空室西風九月天已
寒飢腸不飽衣苦單我身為吏救無術坐視
啼泣空汎瀾

洛水

洛水秋深碧如黛亂石縱橫瀉鳴瀨清明見

底不白塵日射澄沙動璣貝南山秋風已蕭
瑟倒影上下迷空翠何當載酒縱扁舟一尺
鯉魚寒可鱸

秋風三首

秋風蕭蕭洛川渡水碧沙寒飛白鷺波頭伐
木欲成梁落日樵蘇下山去山頭九月雪一
尺山民燃薪當襦袴石田收薄婦子飢歲晚
苦寒安可度

秋風蕭蕭吹野桑田家黍稷初登場雉肥免
飽鷹隼健水落沙冷魚龍歲長淮烟波渺千
里悵望搔首山川長二年薇蕨苦不飽長安
裘馬多輝光

昏鴉歸柵暮天迥新月娟娟水中影秋聲索
索起桑麻古道人歸烟火靜公庭吏稀霜樹
老藥搵雨多幽菊盛山家生事飽請知野果
村醪遣朝暝

感春三首

我昨西來到昌谷主人致酒留我宿坐中少

年美如玉高歌清
惟春夜促還家病
酒對殘春東風落
花吹滿屋出無典
語歸閉門安得萬
里馳吾足

我昔東行花始開
我自東歸花半摧
萬紅辭林捲風去
坐見錦繡蒙蒼苔
南山朝雲鳩逐婦
日暮微雨蕭蕭來
一春晴明苦難得
掩蔽風日知誰哉

悠々朝與暮還息
官閑事少門無客
空山多陰春足雨
飢馬蕭々空伏捩
文章工巧謀愈踈
顏髮衰遲進無策
繫身五斗尔自為
何用中宵空歎息

又三首

亦知春歸不可留
有情未忘寧免愁
平田菲菲芳草合
清洛不斷波悠悠
傷心千里寄雙淚
催老此生初白頭
問舍求田未成計
青衫手板對人羞

山民為生最易足
一身生計資山木
負薪入市得百錢
歸守妻兒烹斗粟
山林未盡終不

憂衣食自樂他無欲人生誰使愛功名萬慮
千思撓心腹

騎馬出門暮後歸出無所詣歸對誰妻兒具
酒勸我飲兒稚笑語傍嬉：人生如此亦可
樂安用軒冕生光輝九原可作欲誰與鹿門
龐叟真吾師

去年

去年四月多風雨麥秀不實農夫苦今年麥
好風雨調萬口噉：飢待哺何事今晨還衣

袂朝日無光寒慘切天工與物無怨尤安用
日與人為仇



